

¡BOMBA!


Vaya una noticia mala que se llevó Nuevo León, ahora depende inversión si gana Trump o Kamala



K'intsil

Miércoles 24 de julio de 2024

CAMPECHE · YUCATÁN · QUINTANA ROO · AÑO 10 · NÚMERO 2283 · www.lajornadamaya.mx



Kex 220 máak jkíim, ts'o'oke' tak paatal, úuchik u yáalkab luuk' le lunes máanika', tu noojolil Etiopía, béey úuchik u ts'a'abal k'ajóoltbil ti' EFE le martes máanika' tumen u jo'olpópilo'ob le kaajo'.

Tak walkila' ts'o'ok u kaxta'al u wiinkilal 220 máako'ob, ba'ale' le je'elo' je'el u ya'abtale", a'alab ti' EFE tumen Mesker Miteku, máax jo'olbesik u kaajil Gofa, tu'ux úuchij. Le je'ela' p'aatal tu noojolil le kaajo', kex 470 kilometrós náach ti' u noj kaajil, Adís Abeba.

Miteku tu ya'alaj tu kácjibale', ka'aj áalkabnáj le luuk'o', k'askúunta'ab bolonp'éel najo'ob úuchik u seen k'áaxal ja' tu yáak'abil domingo tak

lunes, le beetike' yanchaj u péeksa'al kajnáalo'ob, ts'o'oke' tak aijkanan kaajo'ob ooko'obi' ti'al u yilko'ob wa je'el u jóok'sa'al máaxo'ob jmu'ukij.

Ba'ale' ka' áalkabnáj luuk' ka'alikil u jóok'sa'al máax ka'achij. Máax jo'olbesik Comité de Respuesta de Emergencias de la zona de Gofa, Habtamu Fetena, tu ya'alaje' láayli' u kaxta'al máaxo'ob saatalo'obi'.

Ichil ba'ax a'alab tu pikil ju'unil *Addis Standard* tumen juntúul máax táan u yáantaj ti'al u kaxta'al máako'obe', Kasahun Abayneh, ts'o'ok u kaxta'al 10 máako'ob láayli' kuxa'ano'ob yéetel táan u ts'aatáanta'alo'ob tumen ts'akyaj.

Kex 220 máak jkíim, úuchik u yáalkab luuk' tu noojolil Etiopía